

**Ауыл шаруашылығы тауарын өндірушілердің минералдық тыңайтқыштарды сатып алуын мемлекеттік субсидиялаудың 2002 жылға арналған ережесін бекіту туралы**

Қазақстан Республикасы Үкіметінің қаулысы. 2002 жылғы 11 наурыз N 291

"2002 жылға арналған республикалық бюджет туралы" Қазақстан Республикасының 2001 жылғы 15 желтоқсандағы Заңын , "2002 жылға арналған республикалық бюджет туралы" Қазақстан Республикасының Заңын іске асыру туралы" Қазақстан Республикасы Үкіметінің 2001 жылғы 27 желтоқсандағы N 1715 қаулысын іске асыру және отандық ауыл шаруашылығы тауарын өндірушілердің минералдық тыңайтқыштармен қамтамасыз етілуін қолдау мақсатында Қазақстан Республикасының Үкіметі қаулы етеді:

1. Қоса беріліп отырған Ауыл шаруашылығы тауарын өндірушілердің минералдық тыңайтқыштарды сатып алуын мемлекеттік субсидиялаудың 2002 жылға арналған ережесі бекітілсін.

2. Қазақстан Республикасының Ауыл шаруашылығы министрлігі: Қазақстан Республикасының Энергетика және минералдық ресурстар министрлігімен бірлесіп, отандық зауыттар өндірген және олар отандық ауыл шаруашылығы тауарын өндірушілерге сататын, субсидиялануға тиісті минералдық тыңайтқыштардың 2002 жылға арналған ассортименті мен көлемін айқындасын және б е к і т с і н ;

Қазақстан Республикасының Табиғи монополияларды реттеу, бәсекелестікті қорғау және шағын бизнесті қолдау жөніндегі агенттігімен келісім бойынша субсидияланатын минералдық тыңайтқыштардың әр түрі бойынша 1 (бір) тоннасының 2002 жылға арналған ең жоғары сату бағасын белгілесін;

субсидияланатын минералдық тыңайтқыштардың әр түрі бойынша 1 (бір) тоннасына 2002 жылға арналған субсидиялар мөлшерін белгілесін.

3. Осы қаулының орындалуын бақылау Қазақстан Республикасы Премьер-Министрінің орынбасары К.Қ. Мәсімовке жүктелсін.

4. Осы қаулы қол қойылған күнінен бастап күшіне енеді және жариялануға тиіс.

*Қ а з а қ с т а н                      Р е с п у б л и к а с ы н ы ң*

*Премьер-Министрі*

Қазақстан Республикасы Үкіметінің  
2002 жылғы 11 наурыздағы  
N 291 қаулысымен  
бекітілген

## **Ауыл шаруашылығы тауарын өндірушілердің минералдық тыңайтқыштарды сатып алуын мемлекеттік субсидиялаудың 2002 жылға арналған ережесі**

### **1. Жалпы ережелер**

1. Осы Ереже 2002 жылға арналған республикалық бюджетте Қазақстан Республикасының Ауыл шаруашылығы министрлігіне (бұдан әрі - Ауылшармині) 045 "Ауыл шаруашылығы тауарын өндірушілердің минералдық тыңайтқыштарды сатып алуын субсидиялау" бағдарламасы бойынша көзделген қаражат есебінен және шегінде отандық ауыл шаруашылығы тауарын өндірушілердің минералдық тыңайтқыштарды сатып алуын мемлекеттік субсидиялаудың жалпы шарттары мен тәртібін айқындайды.

2. Мемлекеттік субсидия минералдық тыңайтқыштар өндіруші отандық зауыттардан (бұдан әрі - Зауыттар) отандық ауыл шаруашылығы тауарын өндірушілер сатып алатын минералдық тыңайтқыштардың құнын ішінара өтеуге арналған.

3. Зауыттар өндірген және олар отандық ауыл шаруашылығы тауарын өндірушілерге сататын минералдық тыңайтқыштардың субсидиялануға тиісті ассортименті мен көлемін Ауылшармині мен Қазақстан Республикасының Энергетика және минералдық ресурстар министрлігі бірлесіп айқындайды.

4. Мемлекеттік субсидиялар Зауыттарға жоспарланған егіс алқабына енгізудің ғылыми негізделген нормаларына сәйкес Ауылшармині минералдық тыңайтқыштардың түрлері бойынша әр Зауытқа белгілейтін көлем шегінде және облыстардың бөлінісінде және 2002 жылға арналған республикалық бюджетте отандық ауыл шаруашылығы тауарын өндірушілердің минералдық тыңайтқыштарды сатып алуын субсидиялауға көзделген қаражат мөлшерін ескере отырып, отандық ауыл шаруашылығы тауарын өндірушілер нақты сатып алған минералдық тыңайтқыштар үшін төленеді.

Ауылшарминінің аумақтық басқармасы, Зауыт және ауыл шаруашылығы тауарын өндіруші арасында арзандатылған минералдық 2 тыңайтқыштарды белгіленген көлем шегінде өндіру, сату және мақсатты пайдалану туралы үш жақты шарт жасалады.

5. Зауыттар арзандатылған минералдық тыңайтқыштарды отандық ауыл шаруашылығы тауарын өндірушілерге Ауылшармині Қазақстан Республикасының Табиғи монополияларды реттеу, бәсекелестікті қорғау және шағын бизнесті қолдау жөніндегі агенттігімен келісім бойынша белгіленген және 1 (бір) тоннаға төленетін субсидия мөлшеріне азайтылған бағамен дербес немесе Зауыттар уәкілеттік берген облыстардағы минералдық тыңайтқыштарды сату жөніндегі өкілдері (бұдан әрі - Өкіл) а р қ ы л ы с а т а д ы .

1 (бір) тоннаға бөлінетін субсидия мөлшерін Ауылшармині субсидияланатын минералдық тыңайтқыштардың әр түрі бойынша есептейді және минералдық тыңайтқыштардың бір тоннасының орташа құнының 40 пайызға дейінгі шегінде б е к і т е д і .

Өкілдің минералдық тыңайтқыштарды отандық ауыл шаруашылығы тауарын өндірушілерге сату жөнінде көрсеткен қызметі үшін сыйақы төлеуді Зауыт өз қаражаты

ес е б і н е н

ж ү з е г е

а с ы р а д ы .

Минералдық тыңайтқыштарды тасымалдаумен байланысты шығыстарды төлеу ауыл шаруашылығы тауарын өндірушілердің қаражаты есебінен жүзеге асырылады.

6. Отандық ауыл шаруашылығы тауарын өндірушінің минералдық тыңайтқыштарды Зауыттан да, Өкілден де сатып алуына құқығы бар.

7. Зауыттар немесе Өкілдер арзандатылған минералдық тыңайтқыштарды ауыл шаруашылығы тауарын өндірушілерге сатуды облыс әкімінің ауыл шаруашылығы департаменті (басқармасы) айқындаған, Ауылшарминінің аумақтық басқармаларымен келісілген және Ауылшармині бекіткен тізбе бойынша белгіленген көлем шегінде жүзеге асырады.

## **2. Ауыл шаруашылығы тауарын өндірушілердің тізбесін айқындау және субсидияларды төлеу тәртібі**

8. Арзандатылған минералдық тыңайтқыштар өсімдік шаруашылығы өнімін өндіру үшін қызметі жерді пайдаланумен байланысты отандық ауыл шаруашылығы тауарын өндірушілерге сатылады.

9. Арзандатылған минералдық тыңайтқыштар сатып алғысы келетін отандық ауыл шаруашылығы тауарын өндіруші облыс әкімінің ауыл шаруашылығы департаментіне (басқармасына) мынадай құжаттарды тапсырады:

Ауылшармині бекіткен нысан бойынша өтінім;  
жерді пайдалану кесімінің нотариалдық куәландырылған көшірмесі.

10. Арзандатылған минералдық тыңайтқыштарды сатып алуға құқығы бар отандық ауыл шаруашылығы тауарын өндірушілердің түпкілікті тізбесін облыс әкімінің ауыл шаруашылығы департаменті (басқармасы) Ауылшарминінің аумақтық басқармасымен келіседі және Ауылшарминіне береді.

Ауылшармині көрсетілген тізбені қарайды, бекітеді әрі оны Зауыттарға жібереді.

11. Зауыт тікелей немесе Өкіл оның сенімхаты бойынша Ауылшарминінің аумақтық басқармасымен және отандық ауыл шаруашылығы тауарын өндірушілермен арзандатылған минералдық тыңайтқыштарды жеткізуге (тиеп жөнелтуге) шарт жасасады, онда, соның ішінде, ауыл шаруашылығы тауарын өндірушілердің арзандатылған минералдық тыңайтқыштарды өсімдік шаруашылығы өнімін өндіруге пайдалану шарттары ескеріледі.

Ауыл шаруашылығы тауарын өндіруші арзандатылған минералдық тыңайтқыштарды сатып алудан бас тартқан жағдайда, ауыл шаруашылығы тауарын өндірушілердің бекітілген тізбесі мен облыс бойынша белгіленген көлемге өзгерістер енгізілуі мүмкін.

Арзандатылған минералдық тыңайтқыштардың облыстар бойынша белгіленген көлеміне өзгерістерді Ауылшармині енгізеді. Өзгертілген көлемдердің негізінде ауыл шаруашылығы департаменті (басқармасы) Ауылшарминінің аумақтық басқармасымен келісім бойынша ауыл шаруашылығы тауарын өндірушілердің тізбесіне түзетулер

е н г і з е д і .

Минералдық тыңайтқыштарды алу фактісі бойынша Зауыттың (Өкілдің), ауыл шаруашылығы тауарын өндірушінің және Ауылшармині аумақтық басқармасының арасында Ауылшармині бекіткен нысан бойынша субсидияланған минералдық тыңайтқыштарды жеткізу туралы үш жақты кесімге қол қойылады.

12. Субсидия алу үшін Зауыт ай сайын келесі айдың 15-і күніне, бірақ 2002 жылғы 10 желтоқсанныан кешіктірмей Ауылшарминіне мынадай құжаттарды тапсырады: <\*> минералдық тыңайтқыштарды сатып алу-сату шартының түпнұсқасы; субсидияланған минералдық тыңайтқыштарды жеткізу туралы кесім.

Ауылшармині ұсынылған мәліметтерді тексереді және республикалық бюджеттен қаражаттың түсуіне қарай белгіленген тәртіппен күнтізбелік жылдың аяғына дейін Зауыттың шотына ақша аударды.

*ЕСКЕРТУ.12-тармақ өзгерді - ҚР Үкіметінің 2002 жылғы 12 желтоқсандағы N 1339 қаулысымен.*

13. Ауылшармині Қазақстан Республикасының Қаржы министрлігі Қазынашылық комитетінің аумақтық органына мынадай құжаттарды тапсырады:

Ауылшарминінің Зауыттың шотына қаражат аударуға арналған өтінімі; Ауылшарминінің аумақтық басқармасы, Зауыт (Өкіл) және ауыл шаруашылығы тауарын өндіруші арасында арзандатылған минералдық тыңайтқыштарды белгіленген көлем шегінде өндіру, сату және мақсатты пайдалану туралы үш жақты шарттар; субсидияланған минералдық тыңайтқыштарды жеткізу туралы кесімдер.

14. Ауыл шаруашылығы тауарын өндірушінің алған арзандатылған минералдық тыңайтқыштарды мақсатты пайдалануы Ауылшармині бекіткен нысандағы кесіммен расталады.

Ауыл шаруашылығы тауарын өндірушілер алған арзандатылған минералдық тыңайтқыштарды мақсатты пайдаланған актілері 2002 жылғы 15 желтоқсанныан кешіктірілмей Ауылшарминіне тапсырылады.

Ауыл шаруашылығы министрлігі Ауылшарминінің аумақтық басқармасы, Зауыт (Өкіл) және ауыл шаруашылығы тауарын өндіруші арасында арзандатылған минералдық тыңайтқыштарды өндіру, сату және мақсатты пайдалану туралы үш жақты шарт жасасу кезінде олар алған арзандатылған минералдық тыңайтқыштарды мақсаттан тыс пайдаланған жағдайда республикалық бюджетке субсидияның толық сомасын қайтаруды ауыл шаруашылығы тауарын өндірушіні міндеттеуді енгізуді қамтамасыз етсін.